



幼科鐵鏡卷下

貴池卓漢夏鼎禹鑄氏手著

受業弟邑庠鐸萬懸邑庠之日孟然

郡庠之雲飛霖同參

麻症

夏禹鑄曰痘出於臟麻出於腑麻乃大腸之毒氣蒸肺故發咳嗽先輩書未嘗齒及麻症皆以其輕而忽之也却不知表症雖輕毒侵肺腑亦多與鬼為鄰子經歷甚眾費手居多因不惜筆力詳著於篇以杜嬰兒麻症之患流行麻症其候燒熱必發咳嗽聲必稍啞面皮微有腫樣兩腮顏色微紅此吉兆也如出發不快及不透發或紅點見面偶挾風邪而隱或醫人不知誤除燒熱隱而不見腹內作痛治之神莫神于天保米微湯聖莫聖于天保米微湯只須一服即發出或有不盡發者再加一服從末有不效者如肺臟先虛又加大腸毒氣攻肺面皮像澆薄的式子慘白浮上光光溜溜便是肺氣已絕在精威二穴對掌其聲不出必死症藥之無濟

有麻方見點隨即收入或瀉青水審非風寒所害唇色慘白口氣微微此內乃虛不能送毒不可分利止瀉惟用八珍湯六九以托之外用慈丰斤許白酒煎過身擦之如再不透發只額上稍見些微惟用六君子湯九循循調治自愈

有麻初發熱時心火盛極刑剋肺金致麻不出必先服用黃連木通等分服之再用防風荆芥葛根升麻南星枳壳亦芍藥桑皮胡桔梗甘草服之即發

有痢疾兼麻症若麻見點即用香如桔梗枳壳黃連厚朴木通升麻赤芍車前煎服麻瘡透發再治痢疾此來輕從重之說不可不知

本邑陶二公泚王之子麻症發熱方兩日醫人誤為除熱麻伏不出形狀似驚差役請予治面色花雜喘急不嗽必有內毒於太陽穴以口涎擦之皮肉隱有紅點知是麻毒內攻無燒不出用天保米微湯倍加升麻乾葛一服額上見點色不紅起面色唇口慘淡無澤知為內虛即用固真湯一服週身發熱陶公驚怖予曰

痧非帶熱不出仍服天保米微湯一刻通體透發愈此見面色花雜便知內毒一驗也

培繼樓同學序友方恒綏一子痧症隱而不出症形甚凶邀予治見其面色慘白口氣微冷唇舌淡白大便泄瀉即用八珍湯一服額稍見點恒綏因姓前痧症殞于泄瀉力迫止瀉予曰分利更虛不允口吻間覺以泄瀉性命勉強用五苓散果止而額上紅點即隱又用十全大補湯內托外用蔥酒蒸引卒不透發予值事往郡踴後札示皮上每發一泡破即成黑窟附他醫攻毒方單予札復曰肌肉脾屬破即成窟乃脾虛之極何可攻毒惟用六君子湯固脾為主果效此望色審察萬無一失分利脾虛即此可見之一驗也

思誠堂同學友措大方新衍第五郎患痧症初醫者不知痧候用六一散以除燒熱邀予過治見其舌純紫兩唇燥裂大小二便皆秘聲嘶不已即用黃連八分木通黃柏各一錢服下大便刮白如冷痢然在座者口吻覺為涼劑所致予亦躊躇滿志宜臟腑道數此症獨不相符毫不首鼠問前醫退熱所用何劑新衍曰六一散予便慌覺下元為六一寒冷所滯致火不降定無疑矣隨以炒鹽久燉臍下仍用前味黃連倍加服之方下大便燥結與黑素無異可見黃蘗辨真治定不爽之一驗也

一辨傷寒 附寒極似熱

小兒之十指俱冷以三指按額俱熱身壯熱面赤而淡不動必掣此傷寒之症也表散法開天門分陰陽推三關體厚則大發其汗揉太陽并外勞宮運八卦推艮八坎症輕推之自愈重則用元膏火定之體弱隨發汗隨止女反是治用芳蘇飲六十服之

有寒極似熱者面色紅如水紅桃花口渴而唇不乾燥舌不紅紫大便秘青色小便青長此寒極也似熱者因面有紅色口有渴形故也治之與前法同

如口作渴大便秘小便赤是內熱也而外傷寒也宜先表外而後清裡為主表用芳蘇散六十裏用白茯苓半夏陳皮連翹木通枳殼甘草煎服

本郡田三公祖之公孫方二歲抱風寒燒熱症郡醫見燒有驚悸便作驚症治數日不愈予以三指按額俱熱兒十指俱冷用芳蘇飲一劑留飲席未終內小童報曰小相公熱退矣此燒有表裡不可不辨之一症也

予於癸丑科會試 盛京有鑒儀衛正堂許公乃孫方歲半患傷寒症初延太醫院幼科失表後於朝房內與同里員外郎陳是菴道及予予即日來貴池館親邀往治但見身冷如水痕毛差面色慘晦不知人事知寒邪內伏用天保采薇湯一劑嘔曰夜發熱則明日來治否則莫可如何矣夜果發熱仍用前湯一劑熱又解許曰發熱退熱藥同效異真出奇也予曰尋常症在表感一劑便解如令公孫邪被約誤伏內昨一劑攻邪邪到肌表表見邪自是作熱仍以原方加追一劑表解熱除無甚奇也許曰前是庵備道年翁乃幼科白眉令若此洵名下無虛矣以百金壽予辭曰兩代救治嬰兒從不受謝一文再四面壁更欲延請入太醫院入辭曰老母在堂晚在都門白雲頻望承盛意心領之可矣許乃止此關門殺賊之一徵也

方伯張存儒初生有公郎抱驚風患初郡中醫作夾食用消導劑症加甚後予用半夏四錢生薑一錢防風二錢一服即愈遂拜予為假父此藥用當而通神之一驗也

予邑張中尊媛患病邑中醫曾治十餘日不愈會予到邑中尊得聞接予治婢方抱出離座五六步外望見面上光浮浮毫無寶色予曰不須抱近請回中尊問症若何予曰肺氣已絕不可治矣明日果化此望色而知為死症之驗也

一辨夾食傷寒

小兒十指俱熱我按兒額三指俱冷其候身熱或吐或瀉或不吐瀉口必惡食腹必浮脹拍如鼓聲或作痛是也推法開天門分陰陽男女同男重揉太陽發汗體弱揉太陰止之女反是推上三關三十退臍六七下運八卦重揉艮宮于大指面旋推補脾曲兒小指重揉外勞于第二指大腸位側推到虎口以止瀉不瀉不推重揉中指一節以止吐不吐不揉于左腳湧泉穴左轉揉之止瀉不瀉不揉少頃右轉揉之止吐不吐不揉女則右轉右揉止瀉左轉左揉止吐推畢即用燈火臍輪四焦胸口一焦用水酒麩一枚火煨黃色研末白湯送下即愈重則用消導二陳湯十九加柴胡紫蘇等味煎服

珩山孝廉方韻皇乃孫發吐燒熱微掣吐輕熱重予予壻方斗增初業斯道投天保采薇湯一劑不效邀予一見知為內傷飲食外挾風邪用霍香正氣散一服而愈余以湯名曰天保采薇取其治內之意用之不當

雖多奚為在予壻以為症屬內傷外感湯屬內外並治渠見不為非是然不知症似杜鼠城狐重鎮何可輕發此學者之所宜知而宜慎也

一辨腹痛

腹痛臍以上屬大臍以下屬寒其因不一有寒痛熱痛傷食痛積滯痛氣不和而痛脾虛而痛肝木乘脾而痛蛔動而痛數種寒痛則面白口氣冷大便秘青小便清利痛之來也還緩而不速疾綿綿不已痛時以熱手按之其痛稍止肚皮冰冷是也推法曲兒小指重揉外勞宮推上三關揉臍五十約用乾姜肉桂等分煎熟加木香磨水入服之自愈

熱痛則使赤口氣熱口渴唇紅大便秘小便赤時痛時止痛來迅厲腹形如常不腫不飽彈之不响以熱手按之其痛愈甚肚皮滾熱此真熱也推用下六腑水底撈月蓋熱痛主心脾兩熱用燈心草煎伏龍肝加木香磨水稍許入服

傷食痛者必惡食眼胞必浮腫或瀉下酸臭腹必飽脹彈如鼓聲或身作熱是也氣不旺者不宜取瀉只用消導二陳湯十九

積滯痛者今日傷明日傷近日傷之而滯于脾胃間不以飲食得其傷不痛既有滯而後以乳食傷碍故痛也面色黃暖氣酸大便酸臭便後痛減足冷嗜卧不思飲食是也治宜枳壳枳實檳榔木香下之下後即以小異功散十六補之

氣不和而痛者見下地後或地多濕兒臍受風以裏肚束臍過緊不知兒體漸長束帶未鬆則上氣不通下氣以故內氣不和故作痛也審其非寒非熱問其母而臍果有束縛之弊則氣不和之痛必矣治以木香磨水服之隨用燈火臍輪六煊臍下氣海一煊心口窩一煊其痛即止大兒之氣不和者其候眼胞不腫面色不黃飲食如故腹腫擊如鼓聲搖其頭而噉氣是也宜用木香陳皮枳壳甘草服之

脾虛痛者其候面無血色微黃帶微白大便少而色白治以補脾開胃為主用六君子湯十九加橘皮肝木乘脾痛者肝木剋脾脾虛不勝其剋則肝氣無所泄故乘脾之衰而作痛也其候唇白口中色淡面多青

色痛則腹連兩脇重按其腹則痛止起手又痛是也治用四君子湯(三十)加柴胡白芍

蛔痛者腰曲樸身口流青涎痛久不息少頃又痛或一時或二時而止或歇半日又痛面黃唇白此蛔痛也治用使君子去壳火煨吃十餘粒少頃又吃即止嬰兒腹痛口不能言何以知之蓋小兒痛必哭無故而哭者痛也哭聲雄慘而雙眸蹙皺是也如使君子食之不止莫妙于苦楝子樹根皮約一二兩許水煎一茶鍾吃下蟲即盡出但體弱者不可輕用

又有一種奇痛一痛則大叫幾聲痛痛痛即抱胸暈死予家一婢犯此症先君在日予見將婢面撲地用冷水一盆以婢膝着水上于委中穴澆水狼拍粗筋腫起用銀針旁側打入二針針出血流叫一聲痛即甦隨用冷水滾水各半連吃一二碗立愈記先君曰此急痧也與轉筋火差似如平常腹痛從未有一痛而即死者急痧之辨繫記在此

夏禹鑄曰嘗觀內經有曰胃虛則吐胃熱則嘔此說殊屬大謬何也余屢屢見吐吐固有虛常亦有熱嘔固是熱却亦有寒此予匪議前人皆見之多而治之效也二症各有虛熱不可拘泥惟望面色唇舌之間紅則熱而淡則虛斷無有誤至于泄瀉出少而緩曰泄出多而熱急曰瀉泄則症輕瀉則症重凡以所瀉之色驗之治無不效

一吐

胃虛發吐其候面白神疲不熱不渴口氣溫和而帶微冷額前微汗治宜助胃膏(二十二)

胃熱發吐面赤唇紅煩渴溺赤口氣蒸手宜用熟石膏七分八分研細末神茶送下口氣亦送茶手膏

胃氣不和發吐其候惡食此由積滯在胃復為傷食搖兒之頭使噯氣治用火酒曲一枚火煨黃色研細白湯調下用枳壳木香陳皮半夏香附服之大效

有盛夏外感暑氣吐者宜六和湯(二十)

有霍亂而吐者吐不出者手足厥冷臍腹之上絞痛名曰轉筋火治用滾水一碗冷水一碗相和飲下即愈有內傷飲食外感風邪而吐者身熱眼倦疲治用藿香正氣散(七十)

有傷風嗽吐者治用清金飲五八

一瀉

夏禹鑄曰吐從面色辨之不爽瀉更宜辨所瀉之色暴傾下迫屬火水液澄清屬寒老黃色屬心肺脾是熱且清淡黃色屬虛熱宜補青色屬寒宜溫淡白色屬脾虛宜補醬色屬濕氣且蒼赤燥濕酸臭屬傷食宜消導

二陳湯十九

脾虛作瀉瀉下白色或穀食不化或水液澄清其候面神疲倦口慘淡舌白口氣溫冷治用理中湯五加附子或六君子湯九

脾熱作瀉瀉時暴注下迫便黃溺赤口氣蒸干煩渴少食治宜五苓散十八加山梔仁有氣虛下陷瀉者宜補中益氣湯其候與脾虛差同

有傷食兼滯瀉者其候噯酸氣吞酸脹滿一痛再瀉一瀉痛減治宜用大腹皮神曲麥芽山查白朮木香枳榔如食已消痛已止而瀉不止者乃脾失清升之氣宜補中益氣湯三七若食消而腹猶痛乃脾痛也宜小異功散十六

有肝瀉者瀉青稠粘乃肝木乘脾治宜麥冬桔梗白朮白茯苓人參木香酸棗仁甘草

先瀉數日已止入瀉隨發驚此症多不可治蓋瀉而又瀉脾敗之極加之外邪由肺剋肝肝有動風剋脾脾敗將死不受肝剋故肝風烈極毫無泄處如祛風解熱元氣將盡將謂瘵驚不能救脾驚不能止無法可治

一吐瀉

夏禹鑄曰內經有曰胃虛則吐脾虛則瀉脾胃俱虛吐瀉兼作此言極謬若先泄後吐面白神疲不熱不渴額有微汗乃脾胃虛寒也宜理中湯五或小異功散十六或六君子湯九若先吐後瀉面赤唇燥煩渴溺赤乃脾胃有熱也治宜五苓散十八加竹茹煎服又有積滯在脾不能運化水穀而吐瀉者宜用消導二陳湯十九有長夏夾暑吐瀉者宜用六和湯二十

余嘗年硯席友陳八載嫂患吐瀉通予抱風寒因延大方脈用溫胃劑吐益甚帶疾往視口唇紅麗氣喘盛

手舌色紅紫用熟石羔一錢研碎神曲茶一椀送下稍止隨加一錢立愈在大人苗數尚驗況嬰兒乎後又患吐色數俱同仍石羔却不甚應揣之下元或有寒氣用炒鹽熨腹仍服石羔即愈可見苗數顏色從不誤予子歲癸丑北到會館湊陳是養幼郎脾瀉將慢付予治問曰曾服參否是養曰如服一分便起了上壁予心以為南北或有異轉思初到都門恐孟浪來請以六君子湯去人參連服二劑了無一效辭接別醫良久一醫擁輿至館去後予請所發劑視之劑屬消導因問彼何人斯是養曰此名震京都之鄭小兒科也予曰久瀉將慢尚可再用消導之藥用之命不可知矣乃止予使不以是養之言為正硬用六君子湯倍加人參且外加附子五分兩服即愈是養嘆曰素聞妙手今果然矣此審色辨數勿以人言為信之驗也

一辨痢疾

夏禹錫曰

丹溪云痢無止法以通利為主此言亦不盡然何也痢疾有寒有熱白者虛寒也紅者是熱也治宜

調脾為主若染一二日間身壯熱膿血稠粘裡急後重腹痛者宜用承氣湯二五下之或用木香枳榔丸二

六若虛怯者不可下病久身涼自汗宜用補中益氣湯二七挾熱而痢純血且用四順清涼飲二八或黃連

芍藥湯十七挾冷而痢純白或乳食不消者宜用理中湯五有濕熱之毒薰蒸清道上致胃口閉塞而為噤

口者宜用人參黃連石蓮子有痢久胃氣虛則不能食乳而為噤口者宜用理中湯五或六君子湯九積毒

之氣上冲而嘔惡者宜用人參敗毒湯二九有胃氣虛寒有嘔惡者宜用附子理中湯五有痢後脾虛不能

制水而遍身肥腫者宜用六君子湯九外加蒼朮厚朴猪苓澤瀉黃連芍藥有痢久脫肛者經曰肺氣虛寒

由脾虛而金無所養故大腸虛脫而下陷也宜補脾溫胃用固腸飲六五有積盡而痢久不愈乃脾氣下陷

宜用補中益氣湯二七或四君子湯二十若初起宜用姜苓散三一有夾暑熱而痢下赤白相兼者用清暑

益氣湯六八加香如飲五五

予長男之日五歲時與幼甥同患痢疾男素脾弱痢起腹並不痛痢膿純白色下中帶藍色口氣微冷不用

通利以六君子湯服之甥痢純紅遍身有風疹用四順清涼飲加防風柴胡兩藥各器同爐煎烟家誤以男

藥與甥服之風疹即隱氣喘促腫射予急以天保棗微湯與服疹復出喘止仍用前湯數劑愈此可見脾虛

之極不可清利妄用補劑熱邪宜清不可用補之一驗也

一辨瘧疾

瘧疾皆感冒風寒暑濕而發丹溪曰若無汗要有汗以散邪為主若有汗要止汗以扶正氣為先此乃千古不磨之至論也發時有一寒一熱身重骨節疼痛自汗多嘔者濕瘧也由汗出脫衣衝冒風寒或渴極過飲冷水或冷水浴身所致有食瘧者食所傷由飲食過度傷寒所致俱用柴胡前胡陳皮青皮蒼朮白朮白茯苓甘草猪苓澤瀉知母貝母厚朴半夏黃柏等分姜棗引服一劑以清之于發瘧之日五鼓空心以前方加恒山枳榔草果仁等分煎服以截之即愈如久瘧不止致中氣弱極名曰脾寒用四獸飲(三)加姜棗服五六劑自愈

夏禹鑄曰有陰虛似瘧竟作瘧治者這般人却没有一毫心思一綫想頭夫謂之曰似則兩症相去原是星淵即曰似瘧亦祇似其瘧之脾寒試問普天下人可有瘧一起而就成脾寒者是必始于清之無法繼又截之無方或從不服藥相延日久纔到脾寒之症明明有這一條來路若一見每日下午身有潮熱冷狀颼颼便作瘧治獨不想到瘧有來路況脾瘧由重減輕陰虛由輕加重兩症判然竟不知別此一種心數試取黑漆皮燈籠與之相況當否耶

陰虛似瘧如潮熱稍重于作寒治用四物湯四十加人參如心肺肝有熱雖湯內已有熟地再外加生地如作寒稍重于潮熱四物湯外加黃芪人參甘草等分參減半如潮熱作寒俱輕只用四物湯不須外加女患此加紅花二三分

一辨咳嗽

夏禹鑄曰前書只說風寒暑濕燥火六淫之邪氣侵肺皆令人嗽又曰五臟六腑皆有嗽非獨在肺此僅言咳嗽之大綱卒未透發六淫侵肺之顏色與臟腑俱嗽之分別予憶其故必從大方脈書上採來惟照脈論症故不說到六淫侵肺的顏色亦未分疏臟腑致嗽的根由即言一二形症俱屬模糊予把六淫侵肺臟腑皆嗽八个字上一一體出形色脈藥不爽若風寒濕三邪侵肺其候面白而畏風境熱而無汗或頭疼或鼻流

清涕唇色晦暗痰涎白色或滑而易出小便清長便知為風寒與濕氣所侵宜用疏風順氣湯〔七〕或清肺飲〔七〕去白朮加防風便愈

火侵肺嗽與火炎無制相同方見後若燥侵肺嗽其候頭面汗出寒熱往來皮膚乾燥皮膚瘡搔癢大便閉結痰涎膠粘治宜潤肺清金之劑見用參冬貝母冬花黃芩防風麻仁甘草亦為陳皮暑氣侵肺而嗽其候口渴唇淡治宜香如厚朴扁豆加冬花麥冬至于六肺皆嗽之說殊屬大概予着真窮究六淫之外嗽又有五一順傳一逆尅一反侮一隔經傳染一水火不相交濟

順傳之嗽在脾脾不能生子金無土養故嗽漢武帝金鍾自鳴東方朔曰土其母也母傷則子鳴山必有崩者久之蜀郡有泰山崩以此悟之脾虛肺嗽乃一定之理其候唇口慘白氣弱神疲小便清短大便或溏瀉淡淡白色便知脾嗽治用六君子湯九自愈

逆尅之嗽在心火盛則金被火傷而嗽試觀治人燦金火烈而金躍火息則金安膏閨徐無猜地理闡宗書有云如金星結穴火星作朝此外火尅內金不為吉穴須兩旁有水星出現則制火以救金始為吉因此悟火尅金沸亦一定之理其候舌紅唇燥小便赤澀口氣蒸手便知心火尅金法惟瀉心用貝母陳皮甘草黃連木通杏仁麥冬五味等分燈心引煎服三四劑自愈

弱尅之嗽在肝肝有制伏肝始不旺如肺弱水強侮金則肺經被傷而嗽星士家書云我尅者為妻財乃知肝猶肺之妻也被河東獅吼又因夫主柔弱便恃強侮夫肝侮肺嗽又一定之理其候目眇口苦宜用白芍柴胡五味冬花枳殼半夏甘草等分煎服五劑自愈

水火不相交濟之嗽由腎水不能上升則火炎無制乃上刑肺金而嗽猶之易之未濟離火居上坎水居下水不得火而無功火不得水而功亦無所施水火不相交故不各得其用若既濟則為有用矣况五行惟火最烈故昔有慾火無制口中吐出秋扇俱焚者由此觀之豈止嗽耶其症涕唾帶血甚至血溢治用滋陰降火湯〔四〕〔五〕二三劑自愈屢治屢效案難悉載

一隔經傳染之嗽在胃胃有熱因染乎肺而嗽肺胃各經順傳不到逆尅不及又不相侮胡為亦嗽乃由肺胃

逼隣胃司食入肺司氣出出入雖不同途却共呼吸門戶胃熱熏蒸波及肺竅所謂失火殃魚亡猿災木者是也其候唇紅口紅作渴氣出天熱治用石膏冬花麻仁五味甘草

以上諸嗽如喘加麥冬天冬如咳有聲無痰加杏仁防風有聲有痰加半夏枳壳予予本經咳嗽外復將此五種旁引曲喻無非為嗽雖出自肺家而却有隔經之嗽理寔難明故不惜多方以譬明耳幸勿以危言江平世業醫道地距四十餘里一孫咳嗽自葯不應以形色札白之予并來葯單乃瀉肺之味據曰面舌唇口皆紅小便赤色予札復示以瀉心之劑後聞三劑愈此心火刑金瀉心救肺之一驗也

一痘後 痘有專科痘中痘候不載特于痘後至緊要症附數方

一泄瀉唇口淡白瘡屬平白小便清宜用六君子湯九

一痘瘡屬平白宜用保元湯十一

一症醫不落過者亦平白且用八珍湯六九

一痘中眼内生翳子宜用兔糞培之為末每服三四錢白水送下服至升餘即散

一痘後瘡靨或紅硬紫腫黑腫卽宜解毒用生地連翹歸尾甘草赤芍等服三四劑毒自解

郡城幸廉危東庖兩媛痘後一愆期不收一收後痘靨平白俱有微熱遂予過治見唇口慘白氣出微微并
用十全大補湯二劑熱除靨脫俱轉紅潤隨以保元湯十一調服之愈此望至審竅知氣血兩虛之一驗也

一辨諸血

肺朝百脈之氣肝統諸經之血蓋榮血者水穀之精氣也脾胃有傷榮衛虛弱故血失常道而妄行若氣虛氣弱神疲唇有血色者治法用四君子湯三十

血虛者精神照原唇舌無色治用四物湯四十加參朮薑朮見血為近血用黃連芍藥湯十七薑後見血為遠

血用清胃湯四二久不止者用補中益氣湯二七加胡黃連

吐血者胃中積熱宜麥門冬飲四一或清胃湯四二

血者脾熱傳肺而肺不能統血從鼻出且六君子湯九加桔梗當歸梔仁黃芩

咯血者腎虛也咯如乳雞喚乳雞聲嬰兒無此症

有咳嗽而吐血者庸醫多以重干勞治之誤矣此乃腎水心火不相升降大炎無制治宜滋陰降火湯四五
夏禹錫曰諸般失血有面色可審俱屬尋常惟血脫嗽血二種症不多見附錄效案以憑較証予友陳公戴
姪女七歲血吐數升身冷如冰遍身筋現青色平常撲跌處青更甚唇口慘白口氣微冷此乃氣虛血脫初
大方脈作肺熱迫血妄行用梔仁黃芩等味吐愈甚此固照理用劑却不知看色之妙後予用人參黃芪肉
桂麥冬甘草白茯苓二劑而愈此氣虛血脫望形審竅之一驗也咳嗽帶血方見咳嗽類用滋陰降火湯四五
屢用屢效症無疑二故不附案

一辨中暑中熱

夏禹錫曰前輩云動而得之為中熱靜而得之為中暑此言甚是然中暑與中熱症形無異中暑作渴中熱亦
作渴中熱說說話中暑亦說說話若不細審形色雖得動靜二字究何益也如探中暑說說話乃低聲平手
而說中暑發狂雄壯而說此猶恐不得其真只予口中一看舌色慘白唇無血色口氣微弱而冷便是中暑
宜用清暑益氣湯六八立愈若唇舌皆紅氣出如焚小便赤澀定是心經中熱宜用木通薄荷煎熟再以犀
角磨水一杯羚羊角磨水半杯入藥煎和服即愈

己亥歲予從伯一孫方四歲患病初伯與先君交惡已久伯母呼予即往治舉家阻撓且畏之曰彼孫一死
禍來匪輕予曰具有兩眼不煩過慮視之口氣微微面色慘極唇舌白淡口道誕話知為中暑用清暑益氣
湯一服愈

穿山郡庠方紹文僅一子乃予壻十七歲抱疾以予只知幼科延兩方脈共治彼見口說說語便作熱治純
用犀角連翹連冬膏源劉疾益加甚急問予予往見直卧如尸口氣冰冷唇舌皆白乃中暑之症誤作中
熱大可怪也用清暑益氣湯一服立愈此大方脈切脈不如小兒科望色辨竅為妙之一證也

一辨夜啼

夜啼有六一面深紅多淚無燈則啼稍息見燈則啼愈甚此心熱也遇大雨陽相搏故見燈而啼甚也其候手

足必熱小便赤推用水底撈月引水上天河退下六府及運八卦推坎入艮藥用導赤散三加梔仁薄荷麻

一哭多睡少天明則已面色青白小便亦清白治且溫下焦用備急方(七)

一為異物所侵目有所見口不能言但睡中驚悸抱母大哭面色紫黑治宜陳皮生姜茯神遠志甘草服此仍

啼當審其果不犯諸夜啼等症可將雜色紙作一異物狀令兒一視即對兒以火焚之兒疑頓釋自不啼矣

一有脾胃兩虛吐瀉少食而啼者治宜用六君子湯(九)加炮姜木香

一有心血不足而啼者其候睡濃忽悸舌色淡白面色不重宜用安神散(四)

一有臟寒腸痛而啼者宜手按其腹即不啼起手又啼此候面必青手必冷口不吮乳治用當歸白芍人參甘

草桔梗橘皮等分服之外此而啼者必非病也或夜醒時為戲燈所慣無燈而啼者有之或乳母缺乳而啼

者有之

一辨疳疾
疳者乾而瘦也此由寒熱失理飲食不節或因吐久瀉久痢久癰久熱久汗久咳久瘡久以致脾胃虧損久亡

津液而成也

心疳者面黃頰赤滿口舌生瘡煩渴治宜面心丸(五)

肝疳者肌肉消瘦目胞赤腫翳生多泪白膜遮睛瀉多青色治用肝疳丸(五)

脾疳黃瘦腹大或吃土吃米吃茶宜調脾湯(三)

肺疳潮熱喘喘鼻爛流涕宜先用清肺湯(七)二次用化蟬丸(三)

疳腫者乃由疳久脾衰不能制火故頭面四肢發腫脹甚者胝子丸五三大喘者不治

疳腹大項細吐露翻食吐蛔宜蘆薈丸(五)

一赤遊丹火

此候由內有積熱重蒸外被風熱所感搏于血氣皮膚赤腫色如火灼或注頭上或發肢體却非輕症入腹入

腎亦能殺人宜速治之用升麻黃芩連翹各一錢大黃朴硝各二錢同煎服四五劑自愈

余同袍胡道生乃孫頭患丹火接予治用前方服二劑不追又以份來請予以札復曰此症非輕非一二服可愈宜重用各味五六劑定然見效後如數服愈前歲有宗人有一女患此症余囑曰此重症也不可怠緩不聽果死

淋症

有沙淋者腎水為熱所結化為沙石內塞水道沙出痛止治用五淋散四六氣淋者小腹脹滿小便澀滯而痛用瀉白散三九血淋者心熱血散治用五淋散四六加小薊滑石車前子寒淋者膀胱冷氣與正氣交爭寒戰而後溺治用六味地黃丸十四加附子肉桂有心熱者用清心蓮子飲五六腎熱者用六味地黃丸十四肝熱者用柴胡梔子飲六四脾熱者用瀉黃散三八脾虛者用小異功散十六肺熱者用瀉白散三九肺虛熱者用小異功散十六加炒山梔

以上心熱者七種淋症辨法在辨脾心肺肝腎之款內求之便濁

尿白如米泔水久則成疳用人參甘草當歸木通猪苓赤芍赤茯苓皮川萆薢治之

大便不通

肺與大腸有熱熱則津液少而便閉治用四順清涼飲二八血虛燥滯不通者治用四物湯四十加柏子仁松子仁胡桃仁等分服之

同邑紳徐梅宣公郎痘後四十日大便閉有七日他醫以承氣湯單投之子舅氏時在徐宅力薦請予往視曰血虛之極幸未通利通則不可藥矣梅宣且信且疑硬用四物湯一服便出乃澹黃帶白色梅宣拍案叫絕曰一望即知神何至此前庸手幾敗乃事此望色審數知非肺熱之一驗也

小便不通

小便不通由肺燥不能生水當清肺中之熱而滋腎火之源治用黃芩黃連天花粉知母麥冬茯苓木通甘草等分服之

若脾濕氣不上升當健脾生金先用瀉黃湯三八隨用六君子湯九若膀胱有熱澀滯其流治用五苓散十八

出汗

盜汗者寢中通身如浴覺來方知屬陰虛榮血之所主也治宜四物湯四十加黃芪浮小麥黃連煎服有自汗者不時而出動則乃息屬陽虛衝氣之所司也治宜補中益氣湯二七加麻黃根浮小麥麥門冬煎服有脾虛泄瀉自汗而汗出有時者此症大虛治宜六君子湯九或附子理中湯五姜棗引煎服

黃疸

黃疸其候色黃屬脾蓋小兒由飲食所傷兼之濕熱之氣蘊積脾胃故成此症面目指爪小便遍身皆黃疸症無疑治用地黃茵陳湯七

辨腫脹

腫脹之症有二一曰氣腫先腫而後喘由脾胃虛弱脾主肌肉肺主皮膚土弱不能生金虛氣上攻乎肺行于面目遍身浮腫也治宜調脾行氣為主用五子五皮湯三七等分煎服輕則六劑重則十劑無有不愈一曰水腫先喘而後腫因上焦煩渴喜飲茶水脾虛不能制水水反侮土上衝乎脾流走皮膚而先腫也治以寔脾利水為主用胃苓湯二一又瀉後痢後癰諸病後脾虛發腫者宜調脾胃為主用六君子湯九或補中益氣湯二七切不可用通藥如通萬不可活如不因癰痢諸病後突然而腫脹者方從水氣二腫治此方即大方脈家用之亦無一不效如通身不腫只有腹腫彈之如鼓聲按之却如綿軟此脾虛也宜用六君子湯九加厚朴若腹腫彈之不響按之如石此單腹脹也治之不效

三消

三消之症是熱者少虛熱者多不足之症也若作有餘治之誤矣始而心肺消渴或脾胃消中或腎水消濁傳染日久則腸胃合消五臟乾燥精神怠倦以致消瘦四肢

消渴心火動而消上上消乎心移熱于肺渴飲茶水飲之又渴名曰上消治宜蓮花飲七五為主次以生津四

物湯川芎八分歸身一錢生地一錢酒洗知母一錢白芍一錢炮用紙麥冬一錢法川連八分烏梅肉五分天

花粉七分薄荷石蓮肉用黃柏蜜炒甘草炙各五分

消肌脾火動而消中消于脾移熱于胃喜多食食無足時小便色黃名曰中消宜用石膏知母甘草人參倍加石膏外加梗米治宜生津養脾

消渴火動消腎移熱于膀胱小便渾濁色如膏脂名曰下消宜用蓮子知母芡實麥冬入四物湯服之凡消症務要養脾生肺降火滋陰病自除矣

總治三消以生血為主用黃連天花粉二味為末藕汁生地汁生薑汁人乳并蜜共和二末為丸每次一指而大白湯送下

膀胱氣痛

嬰兒小腸膀胱與氣痛在臍下氣海兩邊筋腫到腎囊違痛不可抵治用川練子橘核小茴香荔枝核俱焙炒為末白酒熱調三四錢不數服即愈

呆笑

兒無甚病忽然見人呵呵大笑即不見人亦然每日如是治用桔梗三錢半夏五錢水通一錢甘草五錢煎服隨于頂心百合穴灸灸二壯即愈

不寐多因

嬰兒不睡有二一虛一胆虛睡中不聞人聲忽醒而不寐者此心血不足宜用人參安神丸四八有睡中稍聞人聲响動即驚而不寐者此胆虛之極宜用參竹湯

五

多睡者脾氣虛弱健運之令不行而嗜卧也治宜溫補脾胃以四君子湯

三十

加木香半夏倍加白朮

龜胸

由感風熱凝注為痰停心滯胸欬喘嗽促肺氣脹滿攻于胸膈漸成龜胸或乳母過食辛辣夏哺熱乳亦成此症治宜寬氣化痰丸

六三

龜背

由客氣吹背傳入于髓故背突如龜或欬嗽久以致肺虛腎無所生腎主骨風寒乘虛而入于筋骨致精血不

能流通故骨弓而駝治宜松藤丹六二外以龜尿點背脊中縫即愈本論解顫顫填顫門陷

小兒生下頭縫不合腎主骨而腦為髓海腎有虧故不合也名曰解顫治宜六味地黃丸十四顫門之起顫宜大連翹飲四或瀉青湯五七顫陷如坑者由病久血氣虛弱不能上充治用固真湯十入以狗骨炙為末雞子清調敷之

乾瘦似疳

父母平日常節兒飲食從不傷脾飲食不缺久入非病象但見逐日消瘦其症必由有所思想而難言或二三歲四五歲時母又有所生乳哺懷中多有疼愛之聲前兒從旁窺伺見其愛有所奪不能入懷吮乳惟朝思暮想久則傷脾治之非約所及此症前所未聞今不緊見予先君在日子妹歸室見長甥乾瘦知無他症頃見妹哺次甥長甥依膝覺神不在舍因問予妹瘦始于何日妹曰自得幼甥後今經月餘矣先君命妹哺兒之時勿令瘦甥得見哺後陽抱入懷以空乳喂之且慰之曰我只疼你如此一月果不約而肥追思先君妙何如也神何如也

天柱骨倒

天柱骨倒乃項軟也由真氣虛弱客邪入腑傳于筋骨項則軟之下而無力法宜祛風散四或吐久瀉久病久而軟者治宜六君子湯九加肉桂手軟者宜用薏苡仁當歸秦艽桑仁防風羌活荆芥等分服之足軟者宜用六味地黃丸十四加牛膝五加皮鹿茸等分服之

予從弟鐸禹懸孫方十个月天柱骨倒弟曰弱極即要用參予曰客邪入內何可遽用弟意不果予作色拒之用祛風散作煎劑一服項稍直即命用六君子湯外加防風五劑愈

五硬

頭頸手足強直如冰乃肝受風邪治宜小續命湯五九

齒病口疳瘡

此病由胎中受熱而成口瘡或牙床疳生走馬治宜導赤散三并清胃湯四二如久病之後瘦弱之極難治之